

সারাদেশ

শিশুদের লুডু খেলাকে কেন্দ্র করে দুই পক্ষের সংঘর্ষে নিহত ১ আহত ১৫

প্রতিবেদক: ব্রাহ্মণবাড়িয়া প্রতিনিধি

প্রকাশের তারিখ: শনিবার, ০১ আগস্ট ২০২৬, ০২:৪৭ PM



ব্রাহ্মণবাড়িয়া প্রতিনিধি

ব্রাহ্মণবাড়িয়ায় শিশুদের লুডু খেলাকে কেন্দ্র করে দুই পক্ষের সংঘর্ষে একজন নিহত হয়েছেন। এ ঘটনায় উভয় পক্ষের অন্তত ১৫ জন আহত হয়েছেন।

শনিবার (১ আগস্ট) সকালে জেলার বিজয়নগর উপজেলার হরষপুর ইউনিয়নের পাইকপাড়া গ্রামে এই ঘটনা ঘটে।

নিহত ব্যক্তির হলেন - হামদু মিয়া (৫৩)। তিনি পাইকপাড়া বস্তুর হাঁটি এলাকার বাসিন্দা।

প্রত্যক্ষদর্শীরা জানান, শুক্রবার (৩১ জুলাই) বিকেলে হামদু মিয়ার ছেলে নিরবের (১১) সঙ্গে একই পাড়ার আবুল ইসলামের ছেলে ইয়াসিনের (১২) লুডু খেলা নিয়ে কথা-কাটাকাটি ও মারামারি হয়। একপর্যায়ে হামদু মিয়ার লাঠির আঘাতে ইয়াসিনের মাথা ফেটে যায়।

এই ঘটনার জেরে শনিবার সকাল ৯টার দিকে আবুল ইসলামের নেতৃত্বে একদল লোক দেশীয় অস্ত্রে সজ্জিত হয়ে হামদু মিয়ার বাড়িতে হামলা চালায়। তাদের এলোপাথাড়ি হামলায় ঘটনাস্থলেই হামদু মিয়া নিহত হন। এ সময় তার আট বছরের ছেলে হাসান গুরুতর আহত হয়।

হামলায় উভয় পক্ষের আরও অন্তত ১৪ জন আহত হন। আহতদের মধ্যে লিটন মিয়া (৩৫), এরশাদ (৪০), রেজু বেগম, ফারুক মিয়া ও ইসলাম মিয়ার নাম জানা গেছে। তাদের উদ্ধার করে স্থানীয় হাসপাতালে চিকিৎসার জন্য পাঠানো হয়েছে।

বিজয়নগর থানার অফিসার ইনচার্জ মো. আহসান উল্লাহ বলেন, খবর পেয়ে পুলিশ দ্রুত ঘটনাস্থলে গিয়ে পরিস্থিতি নিয়ন্ত্রণে আনে। মরদেহ উদ্ধার করে ময়নাতদন্তের জন্য জেলা সদর হাসপাতাল মর্গে পাঠানোর প্রক্রিয়া চলছে।

তিনি আরও জানান, ঘটনার বিস্তারিত কারণ জানতে ও জড়িতদের চিহ্নিত করতে পুলিশ কাজ করছে। এলাকা বর্তমানে শান্ত ও নিয়ন্ত্রণে রয়েছে।

এ বিভাগের আরও খবর



রাঙামাটিতে পিকআপ উল্টে নিহত ৪
রাঙামাটির মানিকছড়িতে পিকআপ উল্টে দুই নারীসহ চারজন নিহত হয়েছেন। এ সময় আরো তিনজন আহত হয়েছেন। (১৬ আগস্ট) ভোরে সদর উপজেলার সাপছড়ি ইউনিয়নের...



চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটার অভিযোগ
নওগাঁর মান্দায় ৫০ হাজার টাকা চান না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে।
বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মাশার মসজিদের ভেতরে ঢুকে মামুনুর রশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ উঠেছে। শনিবার (১৫ আগস্ট) জে...



শোক দিবসে বিচুড়ি রান্নার সময় ইউপি চেয়ারম্যানসহ ২ জন গ্রেপ্তার
কুষ্টিয়ার ভেড়ামারায় শোক দিবস উপলক্ষে বিচুড়ি রান্নার সময় ইউনিয়ন পরিষদের (ইউপি) চেয়ারম্যানসহ দুই ভাইকে গ্রেপ্তার করেছেন পুলিশ। শনিবার (১৫...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/saradesh/shishuder-ludu-khelake-kendr-kre-dui-pksher-sngghrshe-niht-1-aht-15>